

daß sie sich ihres grossen Falls vnd Irthums schämen müssen/ die
 welln sie diese Creatur/ so sie doch für ihren Gott gehalten / gleich ein
 Cauterium, wie Calvinus redet/ in sich schlucken / vnd durch die
 viscera, vnd den natürlichen Gang von sich geben müssen. Wiewol
 aber Moyses schwerlich so viel zeit von seinem hohen Ampt / wird ab-
 brechen/oder hierzu so viel Instrumenta vnd andere bequemigkeit/in
 der Wüsten haben können: So were doch dieser schädliche pulvis,
 so klein er immer gerieben worden/in keinem Wasser zu ewigen zeiten
 auffgangen/(denn was man trincken kan vnd soll/muß auffgegange/
 vnd nit compact seyn)sondern hette sich bald zu grunde gesetzt/oder
 wenn er schon den Spractzen/ hefftig vmbgerühret/ zu trincken gege-
 ben worden/wegen des calcinirten Saturni Rauchs, vnd mercuria-
 lischen substantiz, so sich in das Goldt gelegt / gleichsam ein ve-
 nenum gewesen / so die plicas ventriculi, vnd intestina chi-
 lificatoria exulceriret, vnd bald vmb Leib vnd Leben gleichsals
 gebracht hette. Oder vielleicht hat Moyses diß Kalb mit dem rechten
 Chemischen Feuer (dafür es von etlichen Phantasten / wider aller
 Philosophorum Meinung/ wann solche nicht ex cortice verborū,
 sed occulto sensu iudiciret werden/ gehalten wird) nemlich dem ar-
 gento vivo, (quod corpora magis comburit quam ignis, wie die
 Philosophi sagen/ob aber das gemeine / mag ein jeder / so es nicht
 glenben wil/ mit seinem schaden erfahren) verbrennet/vnd hernacher
 zu einem pulvere impalpabili/zetrieben/ vffs Wasser gestrewet/vnd
 den Jüden zutrincken gegeben/wie ich denn von solchen geheimden
 præcipitato, der ein vberaus herrliches arcanum Medicinæ, vber
 alle andere præcipitat, sublimat, welche mit corrosivischen Spiriti-
 bus præpariret werden/so woln ander medicamenta Mercurialia,
 wie die Namen haben mügen ist/vñ etliche für den trucknen Weg des
 lapidis halten/der erste in Germania, in meinem prodromo Aquilæ
 aureæ & argenteæ gehandelt/vnd in furken / darvon weitläuff-
 tiger handeln wil: Diemwelln aber dieser edle præcipitat eine zeit Gold
 wie die andere bleibet / inmassen er denn gar leichtlich/ durch ge-
 wisse Handgriff/ kan reduciret werden / sich auch in keinem liquido
 resolviret, vnd Moyses zu dieses Kalbs præcipitation, ein
 260000. Pfund Quecksilbers/ dergleichen vnzehllich viel Gläser/